

Q V Æ S T I O M E D I C A  
QVOD LIBETARIIS DISPUTATIONIBVS MANE DISCVTIENDA  
IN SCHOLIS MEDICORVM, DIE IOVIS XV. DECEMRIS.  
M. CLAVDIO LE VASSEVR Doctore Medico, Moderatore.

*An Crises his sæculis quàm olim rariores?*

873

**N**ATVRA dum valet, suas omnes ad salutem animantis functiones obit immutabili constantiâ. Ex cibis ingestis idoneum partibus concoctione præparat humorem, præparati portionem vilem & familiarem ab inutili fecernit, illam deducit & exportat in partes, earum substantiam supra concoctionem futuram, hanc in ea, quæ huic muneri destinavit, conceptacula recondit, donec per vias convenientes foras extrahat. Quem ardenti stomacho hærens cibis imperfectus, linguam pepererit, hunc, nisi noui exhibitione cibi distrahatur, perfectè summouet; ac si quid crudi congeratur humoris, qui eas mensenterij venas, per quas in iecur chylus traducitur, inferciat, hunc subigit, mutat, coquit aut mitigat: quin & impuros humores, omnium fere morborum causas continentes in vasis maioribus conclusos, aut in cauis viscerum delitescentes, venisq; minoribus coercitos pristina restituit bonitati, lenros deterget, crassos inçedit, compactos imminuit & variè disiungit, ferocientes, urgentes & quoquoersum impulsos compescit, exustos blandè repurgat, & quouis alio modo contaminatos, nisi quid peccatum fuerit quod eius gestiones interpellat, ab vilius segregat, fecretos per cæcos aliquando arctosq; recessus extrudit, sæpius per ductus tñtos & idoneos bonis ægri rebus excernit. hinc illa in morbis subita ad salutem ægotantis præter spem imperitorum mutationes, in quibus quamuis humorum sarcinâ vel perniciæ prostrata natura visatur, aut terrificis morbus vergeat symptomatis, collectis tamen vndique viribus humore superior morbiq; dominatrix existit.

**I**NSIGNES illas citâq; mutationes, quas in morbis natura molitur, die plurimum implari, non à Luna, non ab alijs sideribus occultâve alia vi, quâ dies vnus præ cæteris polleat, sed ab humoris melancholici cum alijs permistione, accersito subsidio, retardant aut humor lenros, crassos ac viscidos, qui diuturnos & naturæ suæ consentaneos morbos inuehit, vel partis ipsius, in qua morbum committens humor continetur, frigidior intemperies: quippe tum efferi prorepunt in venas, & apparatus humores inquinant, aut concitati & turgescerent huc illuc proprio feruntur impetu, dum in partem principem, quam sæpius obruunt, insiliant, vel in ignobilem, abscessum facturi decumbant; vnde mori ocyùs ægotantes contingit, aut sensim humore mitigato, morbo defungi.

**A**ETAS parentum peior auit, tulit nos nequiores, mox daturos progeniem vitiosiore. Quale parentum semen, dum generant, obtrigerit, tales euadunt spermaticæ partes, in quarum proba temperie & spirituum puriorum vbertate virium robur & firmitudo maximè consistit. Has semen imbecillum & languidum frigidiores gignit & imbecilliores, morbis non solum ijs, qui quod cum femine transferantur in prolem, hereditarij dicuntur, sed & pluribus alijs obnoxias; crassum, spumans & spiritibus ex toto confluentibus turgidum vegetas atq; robustas, quæ tum internarum, cum exterarum injuriarum quibus lacescunt, vehementiam rerundant: filij quàm patris semen frigidius minori spirituum eorûmq; impuriorum copiâ perfusum, liberos generat vitiosa constitutione, quâ tandem in morbos plures eòsq; diuturniores, mali moris & peiores incurant. Pueri nunc morbis conflantur ijs, qui ante pubertatem temporibus Hippocratis, vix vnum aut alterum inuaserant, & quos olim extrema senectus resoluebat expectantes, hos nunc accersita mors aufert.

**P**RISCORVM vita simpliciiori ciborum apparatu, ceterarumq; rerum non naturalium vsu moderatori frugalior, morbos perulit pauciores, quorum diuturni sensum concoctâ & depulsa materiâ morbificâ summouebantur: acuti bonâ, absolutâ, fidâ, turâ, cum signis & manifestâ crisi soluebantur: nostra deliciarum cupida, inuenit aliquid tenerius & mollius quo periret, & per quæ robur omne projiceret, ingeniosè commenta est: inde mali caput, & morbi perniciaciores plures emerere: quorum qui chronici, sponte rarè sanescunt, sæpe desinunt in abscessum: qui acuti, vel citò perimunt ægrotum, aut ijs crisis, quales sexto die fieri ars notauit, iudicantur: imperfectâ, quæ nonnihil humoris noxij morbum reciduum facturi, relinquit: incertâ, quæ recidiuæ metum non admittit: periculosâ, quæ sæuis comitata symptomatis ægri miserè diuexat: obscurâ, quæ vel citra peccantis materiæ excretionem fit, aut exiguum tantum eius portionem detrahit: sine signis, quam dies indicatorius futuram non præmonstrat: malâ, quæ in ægri perniciem omnino desinat.

**H**OSCE motus omnes inchoatos & mancos effecit ægotantium intemperantia, naturam morbifici humoris concoctioni totam incumbentem aliò auertens: naturæ ipsius jam ad exitum vergentis quàm superioribus sæculis ortui proximioris major imbecillitas: accessum vis & insultu effrenator fractam ipsam atq; debilitatam omnino prosteruens: imperitorum circulatorum impune grassantium error, qui quod est conueniens remedium, vt natura leuiter oppressa, onerisq; cui sustinendo impar euasit, portio detrahitur, perspectum non habent: clinicarum mulierum, quas ægri sæpius in sui perniciem audiunt, insulsa temeritas: adhuc ægrotum aut assidentem, consilij Medicorum morem minimè gerentium, imprudens pertinacia, qui tories venam fecari extra diem criticum, (in quo neque venam ruidere, neque purgans medicamentum exhibere fas est), quoties humorum inquinatum immodica copia suaferit, non sinunt. nec blando cathartico colluuii putris aliquam portionem subduci ferunt, quo facilius reliquam natura superet & concoquat, coctâmq; fecernat, vt subita fiat ad salutem mutatio, quæ vera crisis & salutaris perhibetur.

*Ergo Crises his sæculis quàm olim rariores.*

Proponebat Lutetiæ STEPHANVS LEGAIGNEVR Parisinus. A. R. S. H. M. DC. XXXIX.

DOMINI DOCTORES DISPUTAVRI.

M. Ludouicus Renouard.  
M. Petrus le Comte.  
M. Mathurin Alton.

M. Francis Blondel.  
M. Lancelotus de Frades.  
M. Iacobus Mantel.

M. Nicolaus Henaut.  
M. Ioannes Cousin.  
M. Gabriel Biard.



Patio